



23. Tschanteda dal cussagl cumünel in marcaldi, ils 19.11.2014 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 0.205 Preventiv 2015
4. 9.100 Pè d'impostas per l'an 2015
5. 1.500 Tscherna cumischiun nouv implaunt da tir
6. 0.110 Recuors cunter deliberaziun credit fr. 1'000.00 per campagna votaziun regard l'aboliziun da la taxaziun pauschela d'impostas
7. 0.124 Gruppa per elavurer plan da management da la Biosfera, tscherner 2 commembers chi faun part per nossa vschinauncha
8. 7.100 Schlargiamaint dals indrizs per l'alluntanamaint da l'ova persa e pel provedimaint da l'ova potabla in Somvih, credit per planisaziun, fr. 130'000.00
9. 0.212 Decisiun regard publicaziun piazza mneder da scoula
10. 0.112 Büro electorel votaziuns dals 30.11.2014
11. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 29.10.2014 vain approvo unanimamaing.

155 0.205 Rendaquint/planisaziun da finanzas Preventiv 2015

Il cussagl fo üna lectüra dal preventiv 2015. Cun expensas da fr. 8'983'860.00 ed entredgias da fr. 8'878'835.00 serra il preventiv 2015 cun üna perdita da fr. 105'025.00. Previs es da fer amortisaziuns da la faculted administrativa ill'otezza da fr. 519'600.00. L'an chi vain es inavaunt previs da fer investiziuns brütta ill'otezza da fr. 3'447'000.00 cun entredgias in fuorma da subvenziuns e contribuziuns d'arduond fr. 335'000.00. Il

cussagl decida unanimamaing da suottametter il preventiv 2015 a la prosma radunanza cumünela cun la proposta d'accepter quel.

**156 9.100 Pè d'impostas
Pè d'impostas per l'an 2015**

As basand sül rendaquint da l'an da gestiun 2013 scu eir resguardand las investiziuns da l'an chi vain, decid'il cussagl unanimamaing da propuoner a la radunanza cumünela da lascher il pè d'imposta cumünela per l'an 2015 sün 75% da l'imposta chantunela simpla.

**157 1.500 Militer
Tscherna cumischiun nouv implaunt da tir**

In connex cul nouv implaunt da tir sun uossa avaint maun tuot las pusiziuns da las vschinaunchas da l'Engiadin'Ota e Zernez. Illas vschinaunchas da La Plaiv vain salüdo ün implaunt regiunel da tir, però cha'l preproget saja exagero e stu gnir adatto in mincha cas. Ün abuo Chamaint traunter il president cumünel e'ls rapreschantants da la societad da tregants ho demusso, chi'd es rajiunt il temp, da tscherner üna cumischiun chi prepara ün proget cun acceptanza. Zieva animeda discussiun decid'il cussagl da prevzair illa cumischiun 1 commember da mincha cussagl cumünel da las vschinaunchas La Punt, Madulain, Zuoz, S-chanf e Zernez. Impü 2 commembers da las societeds da tregants e pistolas da Zuoz, S-chanf e Zernez scu eir 1 commember da la societad da chatscheders DrosLöng ed 1 da la societad chatscheders Sarsura. Per nossa vschinauncha dess fer part illa cumischiun il president cumünel Duri Campell scu depüto. Las otras vschinaunchas da l'Engiadin'Ota dessan gnir orientedas sur da quista decisiun.

**158 0.110 Legislativa
Recuors cunter deliberaziun credit fr. 1'000.00 per campagna votaziun regard l'aboliziun da la taxaziun pauschela d'impostas**

Il cussagl piglia cugnuschentscha dal recuors a maun da la radunanza cumünela da Romedi Arquint regard la deliberaziun dal credit da fr. 1'000.00 per la campagna cunter l'aboliziun da la taxaziun pauschela d'impostas. Il recurrent fo valair, cha la vschinauncha nu po s'ingascher finanzielmaing tar campagnas politicas. Zieva cuorta discussiun decid'il cussagl, resguardand l'artichel 11 dals tschantamaints e resguardand las ledschas superiuras, da suottametter il recuors a la prosma radunanza cumünela.

**159 0.124 Nominas
Gruppa per elavurer plan da management da la Biosfera, tscherner 2 commembers chi faun part per nossa vschinauncha**

La zona da contuorns da la Biosfera Val Müstair intuorn il Parc Naziunel es importanta, per cha la Biosfera po tegner inavaunt il label Unesco. Quista sted es gnieu decis da na registrar la zona i'l plan directiv regiunel, dimpersè cha mincha vschinauncha pertucheda dess stipuler in merit ün contrat cun la Biosfera Val Müstair. Parallelmaing sun ils respunsabels da la Biosfera landervi, d'elavurer ün plan da management. In quel connex es da sclarir differentas dumandas scu per exaimpel la vendita da chaschöl d'alp ed oters prodots cul label Biosfera scu eir per nüzzer quel label turisticamaing. Ils respunsabels sun da l'avis, da numner üna gruppa da lavur cun commembers da mincha vschinauncha pertucheda per sclarir las circumstanzas e'ls giavüschs al lö. Il cussagl decida da nominer al president cumünel Duri Campell ed a Gian Andrea Bott scu president da la societad da pasculs ed alps illa gruppa da lavur.

**160 7.100 Chanalisaziun/sarinera
Schlargiamaint dals indrizs per l'allontanamaint da l'ova persa e
pel provedimaint da l'ova potabla in Somvih, credit per
planisaziun, fr. 130'000.00**

Quist an chi vain es previs da fer l'ultima part da la lavur da renovamaint dals indrizs per l'allontanamaint da l'ova persa e pel provedimaint da l'ova potabla a S-chanf in Somvih, davent da la chesa Cadonau fin tar la chesa ex-Filli. Per quella lavur s'ho lascho fer a l'indschegner Martin Gini ün quadern da dovairs per las lavuors d'indschegner e s'ho scrit our la lavur. Uossa sun avaunt maun offertas e'ls cuosts da planisaziun muntan a fr. 130'000.00. Per cha las lavuors paun gnir effectuadas quist an chi vain, as stu cumanzer bainbod cun la planisaziun. Il cussagl decida da propuoner a la prosma radunanza cumünela da deliberer il credit ill'otezza da fr. 130'000.00 per la planisaziun dal schlargiamaint da l'infrastructura in Somvih.

**161 0.212 Persunel
Decisiun regard publicaziun piazza mneder da scoula**

Cun l'approvaziun da la ledscha da scoula tres la radunanza cumünela dals 20.08.2014 s'ho diminuida la cifra dals commembers dal cussagl da scoula. Da l'otra vart es previs illa ledscha ün mneder da scoula chi surpiglia per part lezchas operativas cha'ls differents commembers dal cussagl da scoula faivan fin uossa. Causa cha la lavur es resteda listessa ma la cifra dals cusgliers s'ho diminuida s'ho contacto las vschinaunchas illa Plaiv per üna collavuraziun regard la piazza dal mneder da scoula. Displaschaivelmaing nun haun las vschinaunchas pel mumaint grand interess da collavurer in quel sector, las circumstanzas nu laschan tiers üna collavuraziun. Resguardand la situaziun s'ho decis da scriver our auncha quist an la piazza dal mneder da scoula per der dis-charg eir al cussagl da scoula, ma eir per realiser la decisiun da la radunanza. Zieva cuorta discussiun decid'il cussagl da publicar la piazza cun ün pensum da 20-30% illa Posta Ladina e sülla pagina d'internet.

**162 0.112 Votumaziuns
Büro electorel votaziuns dals 30.11.2014**

Al büro electorel per las votumaziuns federelas e chantunelas dals 30 november 2014 faun part: Duri Campell, Gian Andrea Bott e l'actuar Duri Schwenninger.

163 9.999 Varia

Il president orientescha, cha Igor Graber ho inoltro la desditta per la piazza e la desditta per l'abitaziun süls 31.01.2015. La fitteda da l'abitaziun scu eir la piazza libra vegnan publishedas pros mamaing.

A las 21:25 vain la tschanteda alveda.

In buna fè

L'actuar:
D. Schwenninger